



## Aningaasanut Nunanullu Allanut Naalakkersuisoq

### **Aningaasaqarnermut Ataatsimiititaliap suliaq nr. 01.31.06/06-00197 pillugu sisamanngornermi ulloq 19. oktober 2006-imi aalajangiinera pillugu Naalakkersuisunut ilisimatitsineq.**

(Naalakkersuisut ulloq 17. oktober 2006-imi aalajangiineranni imm. 2b)

### **Nakorsaatinut aningaasartuutit qaffakkiartornerat aningaasanillu nuussuinerit**

#### Naalakkersuisut **inassutigaaat,**

- kontomi pingaarnermi 20.11.50-imi, Ingerlatsineranut sillimmatinut tunngasumi, aningaasaliissutit 3.350.000 kr.-nik ikilineqassasut,
- kontomi pingaarnermi, 32.01.01-imi, Peqqissutsimut Pisortaqaarfimmut tunngasumi, aningaasaliissutit 200.000 kr.-nik amerlineqassasut,
- kontomi pingaarnermi 32.10.02-mi, Nuna tamakkerlugu peqqinnissakkut siunertanut ataatsimut aningaasartuutinut tunngasumi, aningaasaliissutit 2.923.000 kr.-nik ikilineqassasut,
- kontomi pingaarnermi 32.10.03-mi, Timikkut nappaatinut atatillugu napparsimasut nunani allani katsorsarneqartarnerannut tunngasumi, aningaasaliissutit 2.000.000 kr.-nik ikilineqassasut,
- kontomi pingaarnermi 32.10.04-mi, Tarnikkut nappaatinut atatillugu napparsimasut nunani allani katsorsarneqartarnerannut tunngasumi, aningaasaliissutit 1.000.000 kr.-nik ikilineqassasut,
- kontomi pingaarnermi 32.10.05-imi, Dronning Ingridip Napparsimmavissuanut tunngasumi, aningaasaliissutit 20.856.000 kr.-nik amerlineqassasut,
- kontomi pingaarnermi 32.10.08-mi, Imigassamik ajornartorsiuteqartunik katsorsaasarfinnut tunngasumi, aningaasaliissutit 600.000 kr.-nik ikilineqassasut,
- kontomi pingaarnermi 32.11.01-imi, Peqqissaaveqarfinnik Aqutsivimmut tunngasumi, aningaasaliissutit 167.000 kr.-nik amerlineqassasut,
- kontomi pingaarnermi 32.11.02-mi, Nakorsanit sullinneqarnermut atatillugu ataatsimut aningaasartuutinut tunngasumi, aningaasaliissutit 800.000 kr.-nik amerlineqassasut,
- kontomi pingaarnermi 32.11.03-mi, Napparsimasunik angallassinernut assigisaannullu atatillugu ataatsimut aningaasartuutinut tunngasumi, aningaasaliissutit 17.300.000 kr.-nik ikilineqassasut,
- kontomi pingaarnermi 32.11.05-imi, Nuna tamakkerlugu nakorsaaserisoqarfimmut tunngasumi, aningaasaliissutit 8.150.000 kr.-nik amerlineqassasut,
- kontomi pingaarnermi 32.12.03-mi, Kigutilerineranut atatillugu najukkani peqqinnissaqarfinnut tunngasumi, aningaasaliissutit 3.000.000 kr.-nik ikilineqassasut.

## **Aningaasaqarnermut Ataatsimiititaliap oqaaseqaatai**

Aningaasaliissuteqarnissamik qinnuteqaatip matumani pineqartup aallaavittut imarai nuussinerit arlallit kiisalu Peqqinnissaqarfimmi nakorsaatinik atuinerup annertusiartornera tunngavigalugu aningaasaliissuteqaqqinnissaq.

Qaammatini arfinilinni siullerni atuineq tunngavigalugu Naalakkersuisut missingersuutit pillugit Naalakkersuisut ilisimatitsissuteqarmatali kontomi pingaarnermi 32.11.05-imi, Nuna tamakkerlugu nakorsaaserisoqarfimmut tunngasumi, atuinerussuteqaratarsinnaaneq Aningaasaqarnermut Ataatsimiititaliap ilisimasimavaa, tamannalu tunngavigalugu ilassutitut aningaasaliissuteqarnissamik qinnuteqaammik Naalakkersuisut Aningaasaqarnermut Ataatsimiititaliamut nassiussinissaat naatsorsuutigineqarsimalluni.

Taamaattumillu pissutsit nalinginnaasut atuutsillugit qinnuteqaat annertunerusumik annertuuliutaasussaanani. Naalakkersuisulli isummernissaannut tunngavissiamut ilanngussami ima allassimasup imaannaannginnerungaartumik isummernissaq pisariaqartoq ersarissisippaa:

*”... 11. oktober 2006-imi septemberip naanerani atuisimanerup kisitsisitali pissarsiarineqarsinnaalerput. Paasineqarpoq Nuna tamakkerlugu nakorsaaseriffimmut aningaasaliissutit sipporneqarsimasut, taamaattumillu Peqqissaaveqarfinnik Aqutsivik nassuiaateqaqquneqarpoq septemberimi atuineq sooq taama annertutigisimansoq ....”*

Tassunga atatillugu missingersuutit pillugit inatsimmi § 1, imm. 3 Aningaasaqarnermut Ataatsimiititaliamit innersuussutigineqassaaq. Aalajangersakkami tassani ima allassimavoq:

*”Aningaasaliissuteqarnissamik sioqqutsisumik akuersissuteqartoqareertinnagu aningaasartuuteqarnanilu aningaasanik atuisoqarsinnaanngilaq.”*

Tamanna aamma atuuppoq siunertamut kingusinnerusukkut aningaasaliissuteqaqqittoqaraluarpuunniit.

Tamatuma saniatigut missingersuutit pillugit inatsimmi § 25, imm. 1-imi allassimavoq:

*”Ukiup aningaasanut inatsisip atuuffiata ingerlanerani nutaanik aningaasaliissuteqarnissamut oqaasertaliussaqaarnissamullu imaluunniit aningaasaliissutinik oqaasertaliussanillu allanngortitsinissamut piumasaqaataavoq Inatsisartut Aningaasaqarnermut Ataatsimiititaliaat Inatsisartut sinnerlugit akuersissuteqaqqaarsimassasoq.”*

Kontomili pingaarnermi 32.11.05-imi, Nuna tamakkerlugu nakorsaaserisoqarfimmut tunngasumi, aningaasaliissutit sipporneqarsimapput, tamanna pillugu Aningaasaqarnermut Ataatsimiititaliamut sioqqutsisumik akuersissuteqarani. Taamaalillunilu missingersuutit pillugit inatsit unioqqutinneqarsimavoq. Unioqqutitsisimaneq ajuusaarnartoq taanna aningaasaliissutitigut matussusiinissaq siunertaralugu Peqqissutsimut Pisortaqrarfiup julimit septemberimut assigiinngitsunik iliuseqarsimaneranit allanngortinneqanngilaq.

Tamatuma saniatigut pisortaqarfiup ataani ingerlatsivinnik Peqqissutsimut Pisortaqarfiup ingerlaavartumik tusarniaanera nalinginnaasumit sivilunerujussuusarsimasoq qinnuteqaammi takuneqarsinnaavoq. Taamaalilluni sapaatit akunneri arlallit maangaannartinneqarsimapput kontomilu pingaarnermi atuinerussuteqaratarsinnaaneq aarlerinarsigaluttuinnarluni.

### **Pisimasut Aningaasaqarnermut Ataatsimiititaliamit akuersarneqarsinnaanngitsutut isigineqarput!**

Tamatumali peqatigisaanik nuna tamakkerlugu nakorsaaserisoqarfik aqputigalugu nakorsaatinik pilersuinissaq suliassatut saneqqunneqarsinnaanngitsutut aammalu qanorluunniit pisoqarsimagaluarpat aningaasatigut pisariaqartunik atugassinneqarnissaa qulakkeerneqartariaqartutut Aningaasaqarnermut Ataatsimiititaliamit isigineqarpoq. Tamanna tunngavigalugu Naalakkersuisut qinnuteqaataat aningaasaqarnermut Ataatsimiititaliamit akuersissutigineqarpoq. Ukiulli sinnerani kontomi pingaarnermi atuinerup Naalakkersuisunit annertusisamik eqqumaffigineqarnissaa ataatsimiititaliamit naatsorsuutigineqarpoq. Kiisalu kontomi pingaarnermi atuinerup ukiup sinnerani nalinginnaasumit akulikinnerusumik misissorneqartarnissaa ataatsimiititaliamit naatsorsuutigineqarpoq. Tamatuma saniatigut aqutsinikkut periutsinik nutaanik, siunissami taama pisoqarsinnaaneranik piffissaagallartillugu pinngitsuuisitsinnaasunik Naalakkersuisoqarfiup atulersitsinissaa ataatsimiititaliamit naatsorsuutigineqarpoq. Tassunga atatillugu nakorsaatinut aningaasartuutit malinnaaffigineqarnissaat siunertaralugu nakorsaatinik atuinermik nuna tamakkerlugu nakorsaaserisoqarfik nalunaarsuisussaammat ataatsimiititaliamit oqaatigineqassaaq, tak. 2006-imi aningaasanut inatsimmi kontomut pingaarnermut 32.11.05-imut aningaasaliissuteqarnermi tunngavigineqartut. Sulissap ilaata taassuma nakorsaaserisoqarfimmit annertunerusumik eqqumaffigineqarnissaa pisariaqartinneqarsorinarpoq.

Allakkiap matuma nuutinneranik pissarsisinneqarnermigut pisimasut pillugit Kukkuersiuinerumut Ataatsimiititaliaq ilisimatitsissuteqarfigineqassaaq.

Tamatuma peqatigisaanik immikkoortortaqarfinni missingersuuteqarfinnilu assigiinngitsuni Peqqinnissaqarfiup nakorsaatinik atuineranik erseqqinnerusumik misissuillunilu naliliinissamut Inatsisartut Peqqissutsimut Ataatsimiititaliaat Aningaasaqarnermut Ataatsimiititaliamit kaammattorneqassaaq.

### **Aningaasaqarnermut Ataatsimiititaliaq aalajangiinera**

Oqaaseqaatit **imaannaanngitsut** siuliani allassimasut innersuussutigalugit Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Jens Lars Fleischer  
Aningaasaqarnermut Ataatsimiititaliami siulittaasuugallartoq

Nuutinnera: Inatsisartut Kukkuersiuinerumut Ataatsimiititaliaat